

**Месяца октября в 15-день**  
**Служба**  
**собора новомучеников и исповедников земли**  
**Белорусския**

На велицей вечерни

На Господи, воззвах: стихиры, глас 4:

Священномученицы земли Белорусския,/ яко пастырие добрии,/ мудре словесныя овцы окормляли есте,/ веру Православную утверждающе,/ нищия одевающе и алчущия питающе,/ страждущия врачующе и закон любви Божия соблюдающе./ Сего ради молим вы:/ молитве Христа Бога,/ да спасет души наша.

Священномученицы земли Белорусския,/ Пастыреначальнику Христу последующе,/ веру истинную, яко щит, сохранили есте/ и, с любовью ближним послуживше,/ даже да крове пострадали есте./ Темже и неувядаемый венец безсмертия обрели есте/ и ныне молитве Господа/ о спасении душ наших.

Новомученицы и исповедницы земли Белорусския,/ предстояще престолу Святыя Троицы,/ присно молитесь за нас, на земли сущих,/ да ревностно храним заповеди Божия,/ и явим терпение во всех обстояниях,/ и любовь нелицемерную обрящем,/ и спасем души наша.

Слава, глас 5:

Всевышний Владыко,/ в Троице славимый и покланяемый,/ ущедри ны благоприятными мольбами/ священномученик Твоих,/ пред мучители дерзновенно исповедавших Тя,/ Единого истинного Бога,/ и Твое, Сыне Божий,/ неизреченное от Матере Девы/ спасительное воплощение.

И ныне, Богородичен, глас тойже.

Таже прокимен дне. И чтения 3 мученическая.

На литии стихира храма и святых, глас 6:

Исповедницы веры и священномученицы страны нашея,/ кровью вашими землю обагрили есте,/ ныне же, предстояще Престолу Божию,/ присно молитве Господа спастися душам нашим.

Слава, и ныне, Богородичен.

На стиховне стихиры, глас 5:

Страстотерпцы славнии,/ веру Православную добре сохранивше,/ в мучениих, бедах и напастех,/ яко столпи незыблемии, пребысте/ и образ благочестия верным преподасте./ Темже и нам помозите/ веру непоколебиму соблюсти/ и спасти души наша.

Стих: Священницы Твои облекутся в правду/ и преподобнии Твои возрадуются.

Имуще вас, новомученицы доблии,/ теплыя ходатаи ко Господу/ и твердыя поборники веры Православныя,/ молим вас мы, недостойнии,/ жизнь нашу умирить,/ терпение и любовь к ближним даровати/ и спастися душам нашим.

Стих: Воспойте Господеву песнь нову/ воспойте Господеву вся земля.

Новомученицы Белорусстии,/ кровию вашею веру Христову запечатлевши,/ Владыку всех молитве/ Церковь Русскую в Православии утвердить,/ землю нашу от скверн очистить,/ люди во благочестии сохранить/ и спастися душам нашим.

Слава и ныне, Богородичен.

Тропарь, глас 4:

Святити новомученицы земли Белорусския,/ благочестия  
святильницы и жития евангельскаго образи,/ заточения, изгнания  
и горькия работы мужественне претерпевшии/ и Христа ради  
даже до крове пострадавшии,/ Егоже, яко Начальника мира и  
спасения Совершителя,/ усердно ныне молителю/ помиловати души  
наша.

На утрени

На Бог Господь: тропарь тойже, дважды. Слава, и ныне,  
Богородичен воскресный.

По 1-м стихословии седален, глас 4:

Возсияли есте светло, яко звезды небесныя,/ деянии и учении  
вашими, светоноснии новомученицы,/ и облистали есте землю  
Белорусскую.

Слава, и ныне, Богородичен:

Пречистей руце Твои, Дево Мати, простерши,/ покрый  
уповающия на Тя и Сыну Твоему зовущия:/ всем подаждь, Христе,  
велию милость.

По 2-м стихословии седален, глас 5:

Апостольским вещанием огласивше ваш ум,/ жертву чисту  
принесосте Царю и Творцу,/ воплощемуся нас ради от Девы  
Богородицы и воскресшему со славою,/ Егоже пред мучители  
исповедасте, священномученицы.

Слава, и ныне, Богородичен:

Имуще Тя Заступницу, Пречистая,/ николиже убоимся враг на ны  
возстания,/ но, яко Бога рождши Милостиваго, покрый ны  
милостию Твоею,/ к Твоему бо заступлению присно прибегаем.

Величание:

Величаем вас,/ святити новомученицы и исповедницы земли  
нашея,/ и чтим честная страдания ваша,/ яже за Христа во  
утверждение веры Православныя/ претерпели есте.  
Псалом избранный: Услышите сия, вси языцы,/ внушите, вси  
живущии по вселенней.

По полиелеи седален, глас 1:

Церковь Православную, яко стражи неусыпнии, охраняете  
присно/ и верныя ограждаете, новомученицы божественнии,  
Христови воины.

Слава, и ныне, Богородичен:

Воистину Богородицу Тя вемы,/ яко Заступницу земли  
Белорусския и Молитвенницу присную о священницех ея,/ Ты бо  
сущих в бедах, гонениях и узах покровом божественным  
всемощно хранила еси.

Степенна, 1-й антифон 4-го гласа. Прокимен, глас 7: Честна пред  
Господем/ смерть преподобных Его. Стих: Что воздам Господеву о  
всех, яже воздаде ми. Всякое дыхание: Евангелие от Луки, зачало  
67.

По 50-м псалме стихира, глас 6: Исповедницы веры: писана на литии.

Канон Богородицы молебный, глас 8 и новомучеником, глас 4:

#### Песнь 1

Ирмос: Моря чермную пучину/ невлажными стопами/ древний пешешествовав Израиль,/ крестообразными Моисеовыма рукама/ Амаликову силу в пустыни победил есть.

Закон Божий зело возлюбив, отче Владимире,/ добре слепым детем его преподавал еси,/ укрепляя в них дух смирения и бодрости./ Помози и нам претерпети вся напасти мира сего.

Истины веры Православныя возвещаяй учеником вертограда духовнаго,/ сам, яко знамя победное, пронесл еси я чрез житие твое, священномучениче Василие.

Прием священный сан в годину тяжких испытаний,/ последи же, крепость во искушении явив,/ смерть от гонителей претерпел еси, отче Петре, священномучениче.

Богородичен: Богомати Пречистая,/ милостива сотвори нам Сына Твоего,/ из Тебе неизреченно воплотившагося на спасение наше,/ Тя бо Предстательницу и Спасение стяжахом.

#### Песнь 3

Ирмос: Веселится о Тебе Церковь Твоя, Христе, зовущи:/ Ты моя крепость, Господи,/ и прибежище, и утверждение.

В вере укрепляя паству твою, отче Валериане,/ заповеди Христовы соблюл еси даже до смерти.

Небоязненно стал еси на защиту веры Православныя, священне Владимире,/ и, не устранившись сильных мира сего,/ исповедал еси истину Божию даже до крове.

Искренне служа Богу, священномучениче Иоанне,/ веру истинную соблюл еси,/ неповинно прием смерть от нечестивых.

Богородичен: Песньми похвальными воспоем, вернии, Пресвятую Владычицу,/ Марию Богоневестную, Покров Божественный,/ тихое Пристанище, всех верных Предстательницу.

#### Седален, глас 3:

Божественную благодать, немощная врачующи и оскудевающая восполняющи, приемше,/ яко агнцы чистии, Христу

Пастыреначальнику последовали есте, мученицы всехвальнии,/ и, страдания мужественно претерпевше, венцы Небесныя стяжали есте./ Темже любовию святую память вашу светло торжествуем.

Слава, и ныне, Богородичен:

Не имамамы инаго прибежища, разве Тебе, Богородице,/ страны наша Заступнице усердная,/ всяк бо, почитаяй Тя, надежду обретает.

#### Песнь 4

Ирмос: Вознесена Тя видевши Церковь на Кресте,/ Солнце Праведное,/ ста в чине своем,/ достойно зывающи:/ слава силе Твоей, Господи.

Неленостно Господеви служа,/ ревностно окормлял еси паству твою, отче Сергие,/ темже мученически за Христа пострадал еси.

Видя врага злохитростнаго, на Церковь Христову ополчившагося,/ ревностне призывал еси паству твою хранить благочестие и веру Православную, отче Владимире./ Сего ради в Небесных чертозех ныне упокоеваешися.

В субботу преблагословенную Христу спострадал еси, священномучениче Михаиле,/ избиение от иудея незаконнаго невинно претерпев./ Ныне же в Царствии Небеснем с воскресшим Господом присно субботаствуеши.

Богородичен: Умерщвлена древле Адама, Пречистая,/ паки возвела еси к жизни,/ Ипостасную Жизнь рождши, Христа,/ Емуже приразившись, расторжеся яве враждебнейшая смерть.

#### Песнь 5

Ирмос: Ты, Господи, мой Свет,/ в мир пришел еси,/ Свет Святей, обращающа из мрачна неведения/ верою воспевающа Тя.

Пастырю Доброму последуя,/ положил еси душу твою за овцы словесныя, отче Порфирие./ Темже моли о нас Господа славы,/ да твердо сохраним веру Православную во вся дни жизни нашея.

Диаконскаго чина удостоився, отче Николае,/ первомученику архидакону Стефану уподобился еси, власти безбожных обличая,/ и, якоже той, смерть за Христа приял еси.

Богу и ближним неленостно послужил еси, отче Михаиле,/ сего ради незаконными убиваемь,/ с молитвою на устех дух твой Христу предал еси./ Ныне с праведными на лоне Авраамли почиваеши.

Богородичен: Яко утро, Богомати, возсияла еси,/ Истинное Солнце Правды, Христа Бога нашего, на руку носящи,/ тем Тя вси прославляем.

#### Песнь 6

Ирмос: Пожру Ти со гласом хваления, Господи,/ Церковь вопиет Ти,/ от бесовския крове очищися/ ради милости от ребр Твоих/ истекшею Кровию.

Дерзновенно пред мучители веру во Христа Иисуса, яко истиннаго Бога, исповедав,/ Того ради даже до смерти пострадал еси, священномучениче Николае.

Пастырское служение в Слуцких пределах добре совершая/ и ревностию по Бозе распаяся,/ верныя небоязненно исповедати веру во Спасителя призывал еси/ и смерть мужественне сретил еси, отче Иоанне.

Залог веры, якоже обещався, сохранил еси/ и мученическую смертью запечатлел еси, священне Димитрие./ Сего ради земли Белорусская и Тверская достойно тя величают.

Богородичен: Душ наших очищение/ и спасения Ходатаица явилася еси, Пресвятая Дево,/ темже Тя верою и любовию православно величаем.

#### Кондак, глас 8:

Новомученицы и исповедницы земли нашея,/ в тяжких испытаниих даже до смерти любовь к Богу сохранивше,/ правило веры и образ благочестия нам явили есте./ Сего ради, ныне в

Небесных обителех ликующе,/ молитве Христа Бога, да спасет души наша.

#### Песнь 7

Ирмос: В печи авраамстии отроцы персидстей,/ любовьию благочестия паче,/ нежели пламенем, опаляеми, взываху:/ благословен еси в храме славы Твоея, Господи.  
В годину гонений окормлял еси люди отчаянныя,/ словом Божиим тыя укрепляя, отче Иоанне./ Темже, яко пастырь истинный Церкви Христовы,/ мученически пострадал еси. Терпя страдания,/ не отрекся еси от веры Христовой, отче Леониде,/ обаче даже до смерти верен Господеви пребыл еси. Милостив пастырь и усерден молитвенник явился еси, отче Александре,/ сего ради и за веру Христову убиение приял еси.  
Богородичен: Моли присно Сына Твоего и Бога нашего, Неискусобрачная Марие Чистая,/ низпослати нам велию милость.

#### Песнь 8

Ирмос: Руце распростер, Даниил/ львов зияния в рове затче;/ огненную же силу угасиша,/ добродетелию препоясавшися,/ благочестия рачители отроцы, взывающе:/ благословите, вся дела Господня, Господа.  
Доблестнее паству твою окормляя, священномучениче Владимире,/ совесть чисту и неврежденну соблюл еси/ и смерть от безбожных, Бога прославляя, приял еси.  
От житий святых житию богоугодному научаяйся, отче Димитрие,/ якоже оныя, и смерть за Христа претерпел еси.  
Егда гонения на Церковь святую умножишася,/ сан священный со дерзновением приял еси, отче Петре,/ темже и в жертву благоприятну Богу принесся еси.  
Богородичен: Безсеменно зачала еси, Богоневесто, Спаса и Господа,/ избавляющаго от тли воистинну песнословящия Тя.

#### Песнь 9

Ирмос: Камень нерукосечный/ от несекомыя горы, Тебе, Дево,/ краеугольный отсечеса, Христос,/ совокупивый разстоящая естества./ Тем, веселящеса, Тя, Богородице, величаем.  
Первый писатель житий пастырей земли Белорусския,/ в годину гонения пострадавших, явился еси, отче Серафиме,/ и послезде сам живот твой за веру и други твоя положил еси.  
Издетства нищету и лишения претерпевая, отче Матфее,/ милосердию и состраданию навывк еси./ Темже, на высоту священства восшед,/ ревностно послужил еси приходящим к тебе/ и мученическаго венца сподобился еси.  
Новомученицы и исповедницы земли Белорусския,/ молитве о нас Святую Троицу,/ да и мы посреде искушений и бед/ сохраним веру Православную во вся дни живота нашего.  
Богородичен: Бога, Егоже родила еси, Чистая Дево,/ сего умоли рабом Твоим даровати покаяние/ и согрешений прощение.  
Светилен:

Яко священномученицы и исповедницы вернии,/ явистесь в земли Белорусстей, пастырие добрии,/ и, испивше чашу страданий, благоугодите Христу./ Темже, во Свете ныне водворяющесе,/ молитесь с небесными силами о всех нас. Слава, и ныне, Богородичен:  
О Тебе хвалимся, Богородительнице,/ и к Богу имамы Тя теплую Предстательницу,/ прости Покров Твой святой/ и защити люди Твоя.

На хвалитех стихиры, глас 8:

Благодатию священства свыше облекшесе,/ пастырие добрии показастесь,/ и, кротость и терпение стяжавше,/ любовь ко Христу во страданиях сохранили есте;/ темже молим вас, священномученицы земли нашея,/ испросите у Господа,/ да, тихое и безмолвное житие поживше/ во всяком благочестии и чистоте,/ спасем души наша. (Дважды).

Имуще вы пастыри неусыпныя в молитвах,/ просим вас, страдальцы Христовы,/ утвердите единство Церкви нашея,/ угасите шатания языческа, / испросите у Господа Вседержителя/ даровати земли нашей благоденствие,/ да, тихое и безмолвное житие поживше/ во всяком благочестии и чистоте,/ обрящем велию милость.

Чтуще вы, яко новомученицы земли Белорусския,/ усердно просим,/ испросите у Господа нам, в скорбех и печалех пребывающим,/ терпение добропобедное и любовь нелицемерную,/ да, тихое и безмолвное житие поживше/ во всяком благочестии и чистоте,/ спасем души наша.

Слава и ныне, глас тойже:

Владычице, прими молитвы раб Твоих/ и избави нас/ от всякия нужды и печали.

### **На Литургии**

Блаженны от канона песни 3 и 6. Прокимен, глас 7: Честна пред Господем/ смерть преподобных Его. Стих: Что воздам Господеву о всех, яже воздаде ми? Апостол к Филипписием, зачало 246. Евангелие от Луки, зачало 77. Причастен: Радуйтесе, праведнии о Господе:

### **Молитва**

О, избранницы и угодницы Христовы, новомученицы Церкви нашея, столпи непоколебимии, земли Белорусския благое прозябение и краснии плоды, сродников ваших предстателие и наставницы!

Вы во время гонения безбожнаго от сокровищниц душ ваших спасительное исповедание Православныя веры изнесли есте и людем верным пастырие добрии явились есте, души ваша за Христа и Его овцы полагающе и лютыя волки далече отгоняюще. Ныне убо призрите на нас, недостойных чад ваших, умиленною душею и сокрушенным сердцем вас призывающих. Умолите Господа Бога, да простит согрешения наша и избавит от адовых уз и вечнаго мучения. Утвердите нас в вере святей, научите нас

присно творити волю Божию и хранити заповеди церковныя. Будите пастырем нашим – правило веры, воином – вожди духовнии, болящим – врачи изряднии, печальным – утешителие, гонимым – заступницы, юным – наставницы, всем же благосердией отцы и теплии молитвенницы, яко да молитвами вашими соблюдется в Православии страна наша и непрестанно славится в ней имя Пресвятыя Троицы, Отца и Сына и Святаго Духа во веки веков. Аминь.

### **Жития**

12 декабря 1999 года в числе 23-х новомучеников Минской Епархии были прославлены служители на ниве Христовой, потерпевшие во времена гонений на Церковь в XX веке:

Протоиерей Владимир Хираско. Настоятель церкви иконы Божьей Матери "Всех скорбящих Радосте" г. Минска. Несколько раз арестовывался. Последний раз вышел из заключения полуслепым. Умер в 1932 г.

Протоиерей Василий Измайлов. Настоятель Свято-Воскресенской церкви г. Борисова. За сопротивление обновленцам, стремившимся захватить храм, арестован в 1927 г. Принял мученическую смерть во время нахождения в Соловецком Лагере Особого Назначения в 1930 г.

Иерей Петр Грудинский. Настоятель Свято-Николаевской церкви с. Тимковичи Копыльского района, до революции — депутат 2-й Государственной Думы от крестьян. Сан священника принял в начале 20-х годов, когда ширилось гонение на Церковь. Арестован и расстрелян в 1930 г.

Иерей Валериан Новицкий. Настоятель Свято-Троицкой церкви с. Телядовичи того же района. Арестован в начале коллективизации за то, что выступал против создания в колхозах антирелигиозных кружков. Расстрелян в 1930 г.

Иерей Владимир Хрищенович. Настоятель церкви Преображения Господня с. Языль Стародорожского района. Арестован за частое совершение богослужений, а также призывы к верующим не оставлять храма, верить в Господа и молиться Ему. Расстрелян в 1933 г.

Иерей Иоанн Вечерко. Настоятель церкви Покрова Божьей Матери с. Кривоносы Стародорожского района. Арестован в 1933 г.. Расстрелян за мужественное поведение во время допросов.

Протоиерей Сергей Родаковский. Настоятель церкви Святой Живоначальной Троицы с. Таль Любанского района. Первый раз арестован в 1930 г., отправлен на лесоповал. Второй раз арестован в 1933 г.. Расстрелян.

Иерей Владимир Талюш. Настоятель Свято-Георгиевской церкви с. Залужье Стародорожского района. Арестован за попытку сбора средств среди прихожан, необходимых для уплаты налога с церкви. Приговорен к 10 годам заключения в концлагере. Находясь там, погиб.

Протоиерей Михаил Новицкий. Настоятель Свято-Петро-Павловской церкви м. Узда. Одновременно исполнял обязанности благочинного. В ночь, накануне Великой Субботы 1935 г., избит неизвестным иудеем, требовавшим от него церковных ценностей. Умер на третий день Пасхи.

Протоиерей Порфирий Рубанович. Настоятель Спасо-Преображенской церкви м. Заславль. Арестован в 1937 г. по ложному обвинению. Заключен в концлагерь на 10 лет. Погиб в 1943 г.

Протоиерей Михаил Плышевский. Настоятель церкви Святого Пророка Ильи с. Шацк Пуховичского района. В конце 20-х — начале 30-х годов неоднократно арестовывался. В последний раз — в 1937 г. Расстрелян в день Преображения Господня.

Протоиерей Димитрий Павский. До революции — настоятель Минского Свято-Петро-Павловского кафедрального собора. В 20-е годы служил в церкви Святого Духа в Острошицком Городке. Впервые арестован в 1931 г.. Приговорен к 5 годам заключения в концлагере. После освобождения в 1937 г. арестован второй раз. Расстрелян.

Протоиерей Иоанн Воронец. Настоятель Свято-Георгиевской церкви м. Смиловичи. Арестован сначала в 1930 г., затем — в 1937-м. Во время Всесоюзной переписи населения наставлял прихожан, чтобы они не боялись власть имущих и писались верующими. Расстрелян в день Преображения Господня.

Протоиерей Леонид Бирюкович. Настоятель Свято-Успенской церкви с. Бродец Березинского района. Арестовывался трижды: в 1934, 1935 и, наконец, в 1937 гг. Расстрелян за ходатайство об открытии приходского храма.

Протоиерей Александр Шалай. Настоятель Свято-Троицкой церкви с. Блонь Пуховичского района. Арестован в 1937 г. за то, что организовал сбор подписей за открытие местной церкви. Расстрелян.

Протоиерей Николай Мацкевич. Настоятель Свято-Андреевской церкви г. Борисова. Арестован в 1937 г. по причине отказа отречься от сана. Расстрелян.

Протоиерей Иоанн Панкратович. Настоятель Свято-Покровской церкви с. Чижевичи (ныне в черте Солигорска). Арестован в 1937 г. за то, что ходил по деревням и призывал крестьян подписываться за возобновление ранее закрытой приходской церкви. Расстрелян.

Диакон Николай Васюкович. Служил в церкви Рождества Пресвятой Богородицы с. Литвяны Узденского района. Арестован в 1937 г. за смелые высказывания, обличающие беззакония властей. Расстрелян.

Протоиерей Владимир Зубкович. Настоятель Свято-Николаевской церкви м. Смолевичи. Арестован в 1937 г.. Расстрелян.

Иерей Димитрий Плышевский. Служил вторым священником в церкви Смолевич. Арестован и расстрелян в 1937 г..

Протоиерей Владимир Пастернацкий. Настоятель Спасо-Вознесенской церкви м. Копыль. Первый раз арестован в 1936 г. за нежелание отречься от сана священника. Второй раз арестован в 1937 г.. Расстрелян.

Архимандрит Серафим (Шахмуть). Являлся насельником Свято-Успенского Жировицкого монастыря. Арестован в сентябре 1944 г. за то, что в годы войны в своих поездках по Восточной Белоруссии открыл многие православные храмы. Приговорен к 5 годам заключения. Погиб в тюрьме.

Протоиерей Матфей Крицук. Настоятель Свято-Кресто-Воздвиженской церкви с. Большая Лысица Несвижского района. Арестован в 1950 г. за то, что хранил у себя дома религиозно-философскую литературу. Приговорен к заключению в исправительно-трудовом лагере сроком на 25 лет. Мученически скончался в том же 1950 г.



Из обстоятельств ареста и смерти всех вышеперечисленных священномучеников мы видим, что все они действительно были не только притесняемы, но и гонимы самым лютым, бесчеловечным образом, но вера в Господа и Спаса нашего Иисуса Христа дала им силы претерпеть все испытания, не упасть духом, а напротив с еще большим горением свидетельствовать о Христе и той Истине, которую хранит Его Святая Церковь!

